



咸豐辛亥鐫

全體新論

海山仙館叢書



序

凡天下之物莫不有理惟理有未窮卽知有不盡若能窮理有據則不論何人言之皆當信之蓋人同此心而心同此理固不得異其人而並異其理也予來粵有年施醫之暇時習華文每見中土醫書所載骨肉臟腑經絡多不知其體用輒爲掩卷歎惜夫醫學一道工夫甚鉅關繫非輕不知部位者卽不知病源不知病源者卽不明治法不明治法而用平常之藥猶屬不致大害若捕風捉影以藥試病將有不忍言者矣然以中華大國

全骨新譜序
能者固不乏人而庸醫碌碌惟利是圖者亦指不勝屈
深爲惜之予自弱冠業醫于人身臟腑部位歷經剖骸
看驗故一切體用倍悉其詳近得華友陳脩堂相助乃
集西國醫譜參互考訂復將鉸連骨格及紙塑人形與
之商確定論刪煩撮要譯述成書顏曰全體新論形真
理確庶幾補醫學之未備若以爲矜奇立異之說則非
予之素志也是爲序

咸豐元年歲次辛亥季秋日合信氏識於惠愛醫局

全體新論弁語

醫家自東垣李氏之書出羅謙甫傳其學於江浙是爲
南醫自丹溪朱氏之書出劉光厚傳其學於關隴是爲
北醫幾如禪門之有南北二宗畫苑之有南北二派矣
迨朝鮮國陽平君許浚寶鑑一書行於中土于是又有
東醫之名蓋其書有可傳不以僻陋在夷而外之也西
域人運思靈巧好語精微其天文算法諸書久爲中國
所收錄而醫學獨未之前聞嘉慶初西洋醫士以彼國
種痘之法傳之華人近復來廣州設藥局爲人療病是

東醫之外不妨又稱西醫矣全體新論者西醫合信氏所著也彼國有患奇疾而死者醫必剖視臟腑以窮其故歷試諸藥以求其方故其言當有可取其書略如宋王惟德銅人圖之例第言全體之本然而不及治病之法蓋起廢疾鍼膏肓亦不過還其全體之本然知其本然自可研精究思以求治病之法也書中自創新論未必全無所見唯與靈樞素問故相刺謬者適足以成其爲偏隅之學一家之言耳如謂勇決非由于膽大不知古書所記亦由剖視而知豈彼國之剖視可據而中土

之剖視皆不足據耶至其論精血由某處達某處胚胎
在何時作何狀又豈剖視已死之人所能見其運動考
其時日者耶此皆故作齟齬言之過當者唯其人能讀
中土之書能識雅訓之字似非盡出無稽雖在彼不過
曰想當然耳而在我亦何妨姑妄聽之由此書而牖啟
其心思觸悟其治法未必非醫家之一助也因采以入
叢書并略論其得失以弁其首咸豐二年歲在元默困
敦海山仙館主人記

全體新論目錄

第一身體略論

第二全身骨體

第三面骨論

第四脊骨脇骨等論

第五手骨論

第六尻骨盤及足骨論

第七肌肉功用論

第八腦爲全體之主論

第九眼官部位論

第十眼官妙用論

第十一耳官妙用論

第十二手鼻口官論

第十三臟腑功用論

第十四胃經

第十五小腸經

第十六大腸經

第十七肝經

第十八膽論

第十九甜肉經

第二十脾經

第二十一心經

第二十二血脈管迴血管論

第二十三血脈運行論

第二十四血論

第二十五肺經

第二十六肺經呼吸論

第二十七人身真火論

第二十八內腎經

第二十九膀胱論

第二十九溺論

第三十全體脂液論

第三十二外腎經

第三十三陽精論

第三十四陰經

第三十五胎論

第三十六胎盤論

第三十七乳論

第三十八月水論

第三十九造化論

全體新論例言

一是書全體名目甚多其爲中土所無者間作以新名務取名實相符闕者望毋以生造見棄

一是書所稱管字與筋字大相懸絕筋者實管者通一是書所稱腦氣筋者其義有二一取其源由腦出二取其主司動作覺悟

一是書所稱血脈管或稱養血管或稱發脈管本屬一管其中有血有脈者是也如迴血管或稱迴管亦屬一管導血回心藍色無脈者是也微絲血管

或稱微絲管亦然若單稱血管二字則總指二管而言

一 是書文盡理未盡者截以旁圈文理兼盡者間以大圈庶閱者一目了然

一 是書註解或在一句之下或在一句之中務取易于明白原不以次序爲拘

一 是書文意其與中國醫書暗合者間或引用數語其不合者不敢混入

一 是書本于譯述恐失真意故文辭斷續語多不醇

閱者須以意會得之

一是書部位取次縷述閱者欲識原委須始末均看若隨意檢讀誠恐不知所謂

一是書文理新奇縉之唐文難求其解閱者一讀恐未盡曉不妨多讀數回實于身心有益勝看無稽小說也

一是書形圖計及大小重輕長短者僅就所見如此而人有大小壯弱之分想亦未能一律論也

